



Asimi sulliviugallartuni eqqakkanik passussisarneq pillugu najoqqutassat

Malittarisassat asimi sulliviugallartunut taakku sulliviit pilersinneqarneranniit ukiumut ullunik 300-nik amerlanernik sulliviusunut tunngapput. Asimi sullivinni ullunik 300-inik ikinnernik sulliviusuni eqqakkanik passussisarneq pillugu najoqqutassat 'Regler vedrørende feltarbejde og rapportering i forbindelse med råstoffer (ekskl. kulbrinte) i Grønland' ('Rules for field work and reporting regarding mineral resources (excluding hydrocarbons) in Greenland'), BMP November 2000-imi allaaserineqarput (Rules for fieldwork.pdf). Ullut sulliviit tassaatinneqarput inuit ataasiakkaat ukiumut asimi sullivinniinnera sulliviup pilersinneranit ullut katillugit ukiumi qaammatisiutaasumit naatsorsorneqarluni.

Asimi sullivinni malittarisassanut taakku malitassat ilassutaapput. Malittarisassat suliarineqarput Aatsitassanut inatsimmi avatangiisit illersornissaannut aalajangersakkat tunngavialugit, pingaartumik § 84-mi aalajangersagaq. Malittarisassat aatsitassarsiornissamut misissueqqaarnemut akuersissuteqarnermi kiisalu aatsitassanik misissuinissamut akuersissuteqarnermi sulinernut tunngapput.

Malittarisassat suliarineqarput teknologii pissarsiarineqarsinnaasoq pitsaanerpaamik (BAT) peruseq malillugu kiisalu aamma avatangiisitigut suleriaaseq pitsaanerpaaq (BEP) asimi sullivinni eqqakkanik passussisarnernut tunngasumik atuinikkut.





1 Timaani sulliviugallartunut tunngaviusumik piumasaqaatit

- 1.1 Asimi sulliviugallartunik pilersitsineq ingerlatsinerlu avatangiisinik minnerpaamik sunniisumik mianerinnittumillu pissaq.
- 1.2 Timaani sulliviit torersuussapput eqqiluillutillu.
- 1.3 Illulerinermi, iggavimmi, perusersartarfinni, errorsinermi il.il. atukkat tamarmik avatangiisinut ajoqutaassanngillat avatangiisinullu mianerinninnermut allagartaqassallutik (EU Blomsten, Svanemærket imaluunniit assigisaat). Kalaallit Nunaanni pissarsiarineqarsinnaasut naapertorlugit.
- 1.4 Asimi sullivik atorunnaarpat avatangiiserlu pissusivigisimasaanut aqqillugu uterteqqinneqassalluni suliaqarnissamut akuersissutit naapertorlugit kiisalu Aatsitassaqarnermut oqartussaasut asimi sulliviup matunissaanut akuersissuteqareeruni.
- 1.5 Erngup minguttup, eqqagassat imerpalasut imerpalanngitsullu passunneqarnissaannut pilersaarut EAMRA-mut nassiunneqassaaq. EAMRA-mit piumasarineqarsinnaavoq pilersaarut avatangiisinut sunniineq pillugu nalilersuineramik imaqassasoq, takuuk Aatsitassat pillugit inatsit, § 73, imm. 2, ullut suliffiit avatangiisilluunniit sunnertianerata tamanna tunngavissaqartippagu.





2 Imeq minguttoq

- 2.1 Nerisassioernermit, errorsinermit, uffarnermit anartarfinnillu imeq minguttoq pillugu immikkoortuni 2.2-mit 2.7-mut piunasaqaatit allaqqasut malinneqassapput.
- 2.2 Imerpalasut, avatangiisinut navianartunik akullit, assersuutigalugu arrortikkuminaatsunik, akuutissanik, ikuallajasunik, qaartartunik qinngornernilluunniit ulorianartunik akullit katersorneqassapput imikoornermullu ilanngullugit kuutsinneqassanatik. Eqqakkatut ulorianartartut passunneqassallutik, tassa imaappoq matusartunik pooqartinneqassapput qallikkanik aamma kuserfilerlugit imaluunniit pitarneqarsinnaanngitsumik allequtserneqassapput. Suliffeqarfimmut eqqakkanik immikkoortiterinermut akuerisamat tunniunneqassapput.
- 2.3 Imeq minguttoq imaanut kuutsinneqarsinnaavoq, immap iluatigut sarfarluartumilu tamanna pippat, taamaalilluni imikup annertuumik imerpallassarneqarnissaa siaruartinnissaalu qulakkeerneqarniassamat. Imaanut kuutsitsineq nunap timaani sullivimmut aalajangersimasumut EAMRA-mit akuerineqarsimassaaq.
- 2.4 Imerkik minguttumik imeqarfimmut kuutsitsineq nunap timaani sullivimmut aalajangersimasumut EAMRA-mit akuerineqarsimassaaq. Imerkik minguttumik imermut kuutsitsineq ataani piunasaqaatait taaneqartut naapertorlugit pissaaq, tassanilu asimi sullivimmi ullut sulliviit tigooraasullu qanoq malussaritsiginera apeqqutaassallutik.

BOD (Biological Oxygen Demand) = uumassusillit ilt-imik atuinerat; COD (Chemical Oxygen Demand) = akuutissat ilt-imik atuinerat; N (Nitrogen) = kvælstof, P (Phosphorous) = fosfor.

Ullut sulliviit	Piunasaqaatit (tigooqqaasup malussarissusaata nalilersorneqarnerata piunasaqaatit sorliit malinneqassanersut aalajangissavaa)
300-999	Piunasaqaateqanngilaq imaluunniit BOD (15mg/l), COD (75 mg/l).
1000-9999	BOD (15mg/l), COD (75 mg/l) imaluunniit BOD (15 mg/l), COD (75 mg/l), Total-N (8 mg/l) aamma Total-P (1,5 mg/l).
10000-100000	BOD (15 mg/l), COD (75 mg/l), Total-N (8 mg/l) aamma Total-P (1,5 mg/l) imaluunniit eqqiaanissaq aniatitsinerlu EAMRA-mit piunasaqaatinik akuerineqarsimasalluni, sumut imikoortitsineq apeqqutaalluni.
>100000	Imikumik aniatitsineq pillugu piunasaqaatit EAMRA-mit aalajangersarneqassapput, sumut imikoortitsineq apeqqutaalluni.

- 2.5 EAMRA-mit piunasarineqarsinnaavoq imikup pitsaassusaata nakkutigineqarnissaa, assersuutigalugu ullut suliffiit avatangiisilluunniit sunnertianerata tamanna tunngavissaqartippagu.
- 2.6 Sanaartukkat, assersuutigalugu imermik saliivik, EU/US-mi piunasaqaatit malissavaat CE-millu meqqiligaalluni assigisaanilluunniit.
- 2.7 Kinneq minguiaavinnit matulinnut poorneqassapput suliffeqarfimmut eqqakkanik immikkoortiterinermut akuerisamat tunniunneqassallutik, tassannga igineqartussanngorlugit/ suliarineqartussanngorlugit. Kinneq imaanut kuutsinneqarsinnaavoq, immap iluatigut sarfarluartumilu tamanna pippat, taamaalilluni kinnerup annertuumik imerpallassarneqarnissaa siaruartinnissaalu qulakkeerneqarniassamat. Imaanut kuutsitsineq EAMRA-mit akuerineqaaqassaaq. Allatut igitsineq, assersuutigalugu nunamut assaassineq/ nunamut seerisitsineq EAMRA-mit akuerineqaaqassaaq.



3 Eqqakkat aalajangersimasut uuliamillu nioqqutissiat

- 3.1 Eqqagassat imerpalanngitsut uuliakullu tamarmik immikkoortuni 3.2-mit 3.11-imut piunasaqaatit allaqqasut malinneqassapput.
- 3.2 Eqqakkat assanneqassanngillat, sumut tamaanga nunamut, kuunnut, tatsinut imaanulluunniit igiinnarnagit.
- 3.3 Nerisat sinneri, qisuit, pappiaqqat uulialu tamaani ikuallanneqarsinnaapput, EAMRA-mit akuerisaappat. Ikuallaanerit tamarmik aqunneqassapput nakkutigineqarlutillu.
- 3.4 Nerisassat sinneri niviukkanut/uumasunut tikinneqarsinnaajunnaarlugit matulinnut poorneqassapput (soorlu nannunut teriannissanullu isumannaakkanut eqqaavinnut), imaluunniit eqqakkanut passussisarfirmut akuerisamut nuunneqarsinnaallutik.
- 3.5 Uulia imaluunniit atortut uuliallit ikuallanneqarsinnaapput 3.6-imit 3.9-mut immikkoortut naapertorlugit, imaluunniit matulinnut poorneqassapput suliffeqarfimmut eqqakkanik immikkoortiterinermut akuerisamut tunniunneqassallutik, tassannga igineqartussanngorlugit/ suliarineqartussanngorlugit.
- 3.6 Eqqagassat ikuallassinnaasut tamarmik ikuallaavimmi ikuallanneqartassapput. Kalaallit Nunaanni EU-lluunniit inatsisaannut piunasaqaataannullu atuuttunut tamanut naapertuuttumik ikuallaavik naammassinnissimassaaq. Ikuallaaviup EU/US-imi piunasaqaatit naammassisimassavai akuersissuteqassallunilu. Ikuallaavik EAMRA-mit nunap timaani sullivimmut tassungarpiaq tunngasumik akuerisaassaaq.
- 3.7 Ikuallaavik ingerlanneqassaaq, aserfallatsaalineqarluni aqqissorneqartarlunilu, taamaaliornikkut ikuallaaneq tamatigut pitsaasumik pisarniassammat.
- 3.8 Pitsaasumik ikuallaaneq qulakkeerniarlugu putsup gassinnguuttup kissarnera sapinngisamik kissarnerpaassaaq ikiuallaavimmullu pineqartumut malitassat naammassineqarsimassallutik. Putsup kissassusaa ingerlaavartumik nakkutigineqartassaaq.
- 3.9 Tamaani ikuallanneqarnissaannut taarsiullugu nerisassat sinneri, qisuit pappiaqqallu sumiiffimmit inissinneqarlutillu ikuallaavimmut piusumut assartorneqarsinnaapput. Tamanna EAMRA-mit akuerineqassaaq. Innissinneqarnerini assartornerarnerinilu niviukkanut/uumasunut tikinneqarsinnaajunnaarlugit matulinnut poorneqassapput. imaluunniit naqinneqarlutik UV-mut illersukkanut PE-nik (polyethylen) poorneqassallutik.
- 3.10 Eqqakkat avatangiisinut navianartut, akuutissanik arrortikkuminaatsunik, toqunartortalinnik allanilluunniit navianartunik akullit, suliffeqarfimmut eqqakkanik immikkoortiterinermut akuerisamut tunniunneqassapput, tassannga igineqartussanngorlugit/ suliarineqartussanngorlugit. Arsaqut ikuallaanermilu sinnikut avatangiisinut ulorianartutut eqqagassatut passunneqassapput. Eqqakkat taamaattut uninngatinnerini assartornerinilu ussissunik poorneqassapput matulinnik.
- 3.11 Ikuallajasuunngitsut, matumanilu atortut atorunnaakkat ikummatissallu puukui suliffeqarfimmut eqqakkanik immikkoortiterinermut akuerisamut tunniunneqassapput, tassannga igineqartussanngorlugit atoqqitassanngorlugilluunniit.

